

Morning Dogri (NSD) National News Bulletin 11-03-2025

आकाशवाणी

- प्रधानमंत्री नरेन्द्र मोदी होर दऊं दिनें दे मॉरीशस दौरे पर बडलै पोर्ट लुइस पुज्जे। ब्हाई अड्डे पर उंदा निग्घा सुआगत कीता गेआ। अज्ज हुंदा उत्थुं दे राष्ट्रपति ते प्रधानमंत्री हुंदे नै मलाटी लाने दा कार्यक्रम।
- राष्ट्रपति द्रौपदी मुर्मू होर अज्जै थमां पंजाब ते चंडीगढ़ दे दौरे पर सेंट्रल यूनिवर्सिटी पंजाब ते एम्स बठिंडा दे दीक्षांत समरोह च शिरकत करगन।
- होली दरान लोकें दी रमानदारी ते अराम दायक यात्रा जकीनी बनाने लेई उत्तरी रेलवे 400 कोला मतियां विशेष रेल गड्डियां चला करदा ऐ।
- भारत ते अमरीका नै सेहत ते डाक्टरी उत्पादें दे क्षेत्र च सैह्योग बधाने लेई दऊं समझौते पर दस्तखत कीते न।
- विश्व पैरा एथलेटिक्स ग्रैंड प्री 2025 अज्जै थमां दिल्ली दे जवाहर लाल नेहरू स्टेडियम च शुरू होआरदे न।

<><><><><><>

PM-Maurithus

प्रधानमंत्री नरेन्द्र मोदी होर अज्ज बडलै मॉरीशस दी दऊं दिनें दी यात्रा पर पोर्ट लुइस पुज्जे। ब्हाई अड्डे पुज्जने पर मॉरीशस दे प्रधानमंत्री नवीन राम गुलाम होरें आपूं उत्थें आइयै उंदी अगुआई कीती ते मॉरीशस च उंदा सुआगत कीता। इस मौके उनेंगी गार्ड हॉफ हॉनर बी पेश कीता गेआ। दऊं दिनें दे इस दौरे दरान प्रधानमंत्री मॉरीशस दे 57 राष्ट्रीय दिवस समारोह च शिरकत करगन, उत्थुं दे प्रधानमंत्री हुंदे कन्नै दपक्खी गल्लबात करने दा बी कार्यक्रम ऐ। एहदे इलावा मोदी होर मॉरीशस च रौहने आले भारतीय समुदाय दे लोकें आस्सेआ लोआए जा'रदे इक विशेष कार्यक्रम च बी शिरकत करगन। मॉरीशस खाना होने कोला पैहले जारी अपने इक ब्यान च मोदी होरें आखेआ जे मॉरीशस भारत दा इक करीबी समुंद्री गोआंढी होने दे कन्नो कन्नी इक प्रमुख भ्या लते अफ्रीकी महाद्वीप तोड़ी जाने दा दाखली द्वार बी ऐ।

उनें आखेआ जे दवै मुख्य इतिहास, भुगोल ते संस्कृतिक राएं इक दुए कन्नै सांझ रखदे होई जुड़े दे न। उनें आखेआ जे लोक तंत्र दे मुल्यें कद्रे च सांझा विश्वास ते बन सबन्नता दौनें मुल्यें दी सांझी ताकत ऐ। मोदी होरें आखेआ जे ओह मॉरीशस दे नेताएं कन्नै सांझ भ्याली बधाने ते लोकें दी तरक्की ते समृद्धि दे कन्नो कन्नी हिंदी महासागर क्षेत्र च सुरक्षा ते विकास लेई स्थाई दोस्ती गी मजबूत करने दे मौके दी हीखी लेइयै उत्थें जा करदे न।

<><><><><><>

President Punjab

राष्ट्रपति द्रौपदी मुर्मू होर अज्जै थमां पंजाब ते केन्द्र शासत प्रदेश चंडीगढ़ दे दौरे पर रौंहगन। ओह पंजाब दे बढिंडा च पंजाब सेंद्रल यूनिवर्सिटी ते अखिल भारतीय आयुर्विज्ञान संस्थान एम्स दे दीक्षांत समारोह व बी हिस्सा लैंगन। पंजाब दे राज्यपाल गुलाब चंद कटारिया होरें दौनें कार्यक्रमें च राष्ट्रपति हुंदे कन्नै उत्थें मजूद रौंहगन। इनें कार्यक्रमें च केई होर रसूखदार ते नामी हस्तियां बी शामिल होंगन। राष्ट्रपति हुंइे दौरे गी ध्यानै च रखदे होई उत्थें सुरक्षा बंदोबस्त निगगर करी दित्ती गेदे न।

<><><><><><>

Railway Special Trains

उत्तरी रेलवे होली दे ध्यार शा पैहले यात्रुएं दी सखल्ली यात्रा लेई 400 थमां मतियां विशेष रेलगडिडयां चला'रदी ऐ। नमीं दिल्ली च मीडिया आलें कन्नै गल्ल करदे होई उत्तरी रेलवे दे मुख् जनसंपर्क अधिकारी हिमांशु उपादयाय होरें दस्सेआ जे यात्रुएं दी सुविधा दे व्यापक इंतजाम कीते गेदे न। उनें दस्सेआ जे राष्ट्रीय राजधानी दे नमीं दिल्ली आनंद विहार ते हजरत निजामुद्दीन रेलवे स्टेशनें पर यात्रुएं लेई सुरक्षा बवस्था, लौहके कंट्रोल रूम ते इंतजार करने लेई प्रतीक्षा क्षेत्र बनाए गे न। उनें आखेआ जे लोड़ पौने पर ऑन डिमांड विशेष रेलगडिडयां बी चलाइयां जांगन। श्री उपादयाय होरें आखेआ जे प्लेटफार्म पर प्रवेश छड़ा हुयै यात्रुएं गी दित्ता जाग जिंदे कोल वैद्य रेल टिकट होंगन।

<><><><><><>

Cyber Attack

सोशल मीडिया प्लेटफार्म एक्स पर जंदी रातीं इक बड्डा साइबर हमला होआ, जेह्दे कारण इ समंच पर लोकें गी केई सारी दिक्कतें दा सामना करना पेआ।

इस हमले च दुनिया भरै च एक्स दे ज्हारें उपभोक्ताएं गी अपने हेंडल तगर पुज्जने ते उसी बरतने च परेशानी औन लग्गी। इस हमले दा सब्बने शा मता असर अमरीका ते बरतानिया च दिक्खने गी लब्बा। एलोन मस्क होरें आपूं इस हमले दी तस्दीक करदे होई शैंका जताई ऐ जे एह हमला बड़े मते संसाधने कन्नै कीता गेदा ऐ ते एहदे च पक्क गै कोई बड़्हा गिरोह जां देश शामिल ऐ।

<><><><><><>

Estimates Agri Crops

कृषि ते करसान कल्याण मंत्रालय नै 2024–25 बरै लेई मुख फसलें दी पैदावार दा दुआ अगेजरा अंदाजा जारी कीता ऐ। एहदे तैहत सौनी अन्नदाने दा उत्पादन, तकरीबन 1 जहार 664 लक्ख मीट्रिक टन रौहने ते रबी अन्नदाने दा उत्पादन 1 जहार 645 लक्ख मीट्रिक टन थमां बद्ध होने दी मेद ऐ। 2024–25 बरै लेई 1 जहार 206 लक्ख मीट्रिक टन थमां मती मुंजी दे उत्पादन दा अंदाजा ऐ।

<><><><><><>

Armenia FM

भारत नै चिकित्सा उत्पाद विनियमन दे खेत्तर च सैहयोग लेई आर्मीनिया कन्नै समझौते ज्ञापन एमओएस पर दस्तखत कीते न। कल नमीं दिल्ली च विदेश मंत्री डॉ. एस.जयशंकर ते आर्मीनिया दे विदेश मंत्री अरारत मिर्जोयान हुंदी मजूदगी च एहदे पर दस्तखत कीते गे। दौनें मंत्रिण्ड डिजीटल प्रौद्योगिकी दे औषधें च सैहयोग करने पर सैहमति दस्सी। दौनें लीडरें सियासी बचार बमर्श, बपार, संपर्क, शिक्षा, संस्कृति ते जनसंपर्क दे सेक्टरें समेत भारत आर्मीनिया दपक्खी सैहयोग गी व्यापक विस्तार देने दी बी समीक्षा कीती। दौनें देशें सुषमा स्वराज, विदेश सेवा संस्थान ते आर्मीहनया दे विदेश मंत्रालय दे राजनायिक विद्यालय मझाटै सैहयोग कन्नै सरबंघत समझौता ज्ञापन पर बी दस्तखत कीते। बैठक दरान डॉ. जयशंकर होरें आखेआ जे भारत दा मकसद आर्मीनिया कन्नै अपने सरबंघे गी मजबूत करना ऐ जेहड़ा इतिहास च गैहराई कन्नै दस्सेआ गेदा ऐ। उनें आखेआ जे दौनें मुल्खें बेहतर सियासी सैहयोग सांझा करदे न, दौनें बश्कार दपक्खी बपार ते रक्षा सैहयोग च बाद्धा दर्ज कीता गेआ ऐ। दौनें नेताएं सांझे हितें दे क्षेत्रीय ते वैश्विक मामलें पर बी बचार बंटादरा कीता।

<><><><><><>

Para Athletics

विश्व पैरा एथलेटिक्स प्री पिक्स प्रतियोगिता डब्ल्यूपीए जीपी 2025 अज्जै थमां नमीं दिल्ली दे जवाहर लाल नेहरू स्टेडियम च शुरू होने जा'रदी ऐ। त्रऊं दिनें तोड़ी चलने आली इस प्रतियोगिता च 20 मुख्यें थमां कुल ढाई सौ पैरा एथलीट हिस्सा लेंगन जिंदे च 145 भारतीय ते 105 होरने मुख्यें थमां आए दे खडारी शामिल होंगन। एह सब्बै 90 खेड्ड प्रतियोगिता च हिस्सा लेंगन। भारत पैहली बारी इप्पी बड्डी पैरा एथलेटिक्स प्रतियोगिता दी मेजबानी करै करदा ऐ। भारतीय दल दी अगुवाई पैरिस पैरा ओलंपिक्स 2024 च सुन्ने दा तगमा जित्ती चुके दे प्रवीण कुमार जपदीव सिंह ते धर्मवीर करगंन।

<><><><><><>

WPL

महिला प्रीमियर लीग क्रिकेट च कल मुंबई च खेड्डे गेदे इक मैच च मुंबई इंडियन्स नै गुजरात जायंट्स गी 9 रंजें कन्नै हराया। इस जित्त दे कन्नै गै मुंबई इंडियन्स हुन दिल्ली कैपिटल्स दे बरोबर 10 अंक हासल करने आली दूई टीम बनी गईं छे। पर कुल रनरेट घट्ट होने कारण ओ दुए नंबरै पर ऐ। कल्लै आले मैच च मुंबई इंडियन्स पै पैहले बल्लेबाजी करदे होई 20एं ओवरें च 6 विकेटें दे नुकसान पर 179 रंज बनाए। जेह्दे परते च गुजरात जायंट्स दी टीम छड़े 170 रंज गै बनाई सकी।

<><><><><><>